

**HILLSONG CHURCH SOUTH AFRICA**

**DIKGANG  
TSE DI  
MONATE**

**MO MALATSING A GAGO A MASOMEPEDI  
NNGWE (21) A A LATELANG**

**[HILLSONG.COM/SOUTHAFRICA](https://www.hillsong.com/southafrica)**

# KAMOGELO GAE

**DIKGANG TSE DI MONATE**

**MO MALATSING A GAGO A MASOMEPEDI NNGWE (21) A A LATELANG**

**19** Jaanong he, ga lo tlhole lo le baeng le bajaki, mme lo ba morafe mmogole bailshepi, lo ba ntlo ya Modimo, **20** ka lo agilwe mo motheong wa baapostolo le baporofeti o Keresete Jesu ka esi e leng lentswe la sekhutlo la ona, **21** yo kago yotlhe e kopanngwang sentle mo go ene, e ntse e gola go nna tempele e e boitshepo mo Moreneng. Baefeso 2:19-21

## **KAMOGELO GAE**

Re batla go go raya re re kamogelo e kgolo go WENA! Re itumeletse gore o kgonne go kopanela le rona. Re tshepa gore o bile le maitemogelo a mantle le gore o ikutlwele o le fa gae. Re dumela gore motho mongwe le mongwe o botlhokwa go Modimo le gore Modimo o na le leano le morero o o makatsang ka wena. Jaaka kereke, re kopantshitse kaedi e ya matsatsi a 21 go go thusa mo loetong la gago go ya pele le setsalano sa gago le Morena Jesu.

Re go rata thata

Phil le Lucinda

Baruti ba ba re eteletseng pele

Hillsong Church South Africa

# RE DUMELA ENG?

**RE DUMELA** gore Beibele ke lefoko la Modimo. Le tlhomame, le a laola ebile le matshwanedi mo malatsing otlhe a go tshela ga rona.

**RE DUMELA** go Modimo a le mongwe wa bosakhutleng e leng Motlhodi wa dilo tsotlhe. Yo a leng teng mo Borarong: Modimo Ntate, Modimo Morwa le Modimo Moya o o Boitshepo. O re rata mo go feletseng ebile o feletse mo kgalalelong.

**RE DUMELA** gore boleo bo kgaogantse mongwe le mongwe wa rona go tswa go Modimo le morero wa gagwe ka matshelo a rona.

**RE DUMELA** gore boleo bo kgaogantse mongwe le mongwe wa rona go Modimo le morero wa gagwe ka matshelo a rona.

**RE DUMELA** gore Morena Jesu Keresete jaaka Modimo le motho ke Ena fela yo o ka re busetsang go Modimo. O tshetse botshelo jo bo senang boleo le botshelo jo bo leng sekai, a swa mo sefapanong mo bodulong jwa rona, mme a tsoga gape go bontsha phenyo ya Gagwe le go re matlafatsa goisa botshelong.

**RE DUMELA** gore re fitlhele tshwarelo ya boleo le go 'tsalwa sešwa' re tshwanetse go sokologa mo maleong a rona, re dumele go Morena Jesu Keresete, le go ikokobeletsa thato ya Gagwe matshelong a rona.

**RE DUMELA** gore re tshela matshelo a a boitshepo ebile a ungwa maungo a Modimo a ikaeletseng ka rona, re tlhoka go kolobediwa ka mo metsing mme re tlale ka maatla a Moya o o Boitshepo. Moya o o Boitshepo o re kgontsha go dirisa dineo semoya, go akaretsa go bua ka ditele.

**RE DUMELA** go maatla le botlhokwa ba Kereke le go tlhokagalo ya badumedi go kopana mmogo ka metlha, go tsalana, go rapela, le go 'aroganyana senkgwe' ('go ja selalelo').

**RE DUMELA** gore Modimo O tlametse mongwe le mongwe go re kgontsha go atlega mo morerong wa Gagwe ka matshelo a rona eleng go obamela Modimo, go fitlhelela go dira karolo ya rona mo Kerekeng le go direla mafelo selogae a re tshelang mo go ona.

**RE DUMELA** gore Modimo o batla go fodisa le go re ntšhwafatsa gore re tshela botshelo jo bontle le jo bo tshagofetseng gore re itse go thusa batho ba bangwe ka botswapelo.

**RE DUMELA** gore tsela ya rona ya bosakhutleng e e leng go ya Legodimong kgotsa diheleng e fitlhelwa ka ke go Morena Jesu Keresete

**RE DUMELA** gore Morena Jesu Keresete O a boa gape jaaka ga A re tshepitsitse.

## JESU WA GO RATA

Re go akgola thata ka go tsaya tshwetso ya go latela Morena Jesu. O ka tswa o nale dipotso di le dintsi, ke ka moo re tshagisitseng buka e ya boineelo ba matsatsi a 21 go go thusa mo setsalanong sagago le Morena Jesu, le go go thusa gore o fitlhelele tulo ya gago mo kerekeng ya rona.

# SE KE TSHIMOLOGO FELA

Go dirwa motho yo o itekanetseng kgotsa go pholosiwa ke go ineela mo boetedipeleng jwa Modimo le morero le maikaelelo a Gagwe ka matshelo a rona. Seo se kaya gore go sokologa go tswa go ditseleng tsa gago tsa bogologolo mme o fetoge go Morena Jesu, go kopa Ena maitshwarelo a maleo a rona tsa gagole go amogela botshelo jo bošwa mo go Ene.

Baroma 10:9 e re ‘Gonne fa o ipolela ka molomo o re, “Jesu ke Morena”, o dumela ka pelo gore Modimo o mo tsositse mo baswing, o tla pholosiwa.’

Pholoso ke neo ya sesolo go rona go tswa go Modimo gore rona re be bana ba Gagwe. Ke kamogelo e e ka se busetsweng morago go lelapa la Modimo ebile ke matlafatso ya go tshela mo go feletseng le mo go tletseng ka morero wa go bontsha Modimo go dibopiwa tsotlhe tsa Gaagwe.

Fa o se na netefatso ya gore o siame le Modimo, kgotsa o a itse tota gore o tlhoka Jesu mo botshelong jwa gago, o ka tlhopho go mo sala morago gona jaanong ka go rapela thapelo e ya go ineela go Jesu.

**Jesu yo o rategang, ke rapela thapelo e ka gore ke a itse gore ke leofile ka go tshela kwa ntle le wena. Ke maswabi mme ke tshepa gore O tla intshwarela. Ke amogela lerato la Gago le mogau wa gago go nna ebile ke kopa gore o nne Morena wa me. Nthuse gore ke dumele go Wena le gore ke go rate ka matsatsi otlhe, o nthuse gore ke bontshe lefatshe se o leng sona le bogolo jwa lerato lwa Gago. Ka Leina la Morena Jesu. Amen.**

Re a go akgola! Go rapela mafoko a ka pelo e e ineetseng go Jesu ke tshimologo ya loeto le le bothokwa thata le o tla le tsamayang: loeto lwa go latela Morena Jesu.

Letlha:

Leina:

# LETSATSI 1: MODIMO KE MANG?

Ngwedi o tsamaya go dikologa lefatshe, mme lefatshe le tsamaya go dikologa letsatsi. Mo matshelong a rona, re a raelesaga go nyenyefatsa Modimo mo seleanong sa ngwedi, moo A tsamayang go re dikologa. Beibele e senola pono e e farologaneng ya Modimo: ke Modimo yo o kganyang le yo o galalelang mo a nang le tsela ya go nna legare la go nna teng ga rona, mme e seng fela karolo ya bodumedi jwa kwa thoko. Le fa lefatshe la Beibele le farologane tota le lefatshe la segompiano, dikgang tse di monate ke gore Modimo yo Beibele e mo tlhalosang ga a ise a fetoge gotlhelele. Ditlhaloso tsoitlhe tse di kgobokantsweng ka Modimo mo Beibeleng di dira jaaka tshupatsela ya maemo a a sa fetogeng jaaka re batla go fitlhelela se Modimo e leng sone. A re buiseng ka motho a le mongwe ka go kopana ga gagwe le Ene.

## Beibele e re ruta eng?

*E rile mo ngwageng o Kgosi Usia o suleng ka ona, ka bona Morena, a ntse mo sedulong sa bogosi se segolo se se kwa godimo, mme meja ya kobo ya gagwe ya tlala ka Tempele.*

*2 BoSerafime ba bo ba eme godimo ga gagwe, mongwe le mongwe a na le diphuka di le thataro; a ipipa sefatlhego ka tse pedi; a ipipa maoto ka tse pedi; a fofa ka tse pedi.*

*3 Ba bitsanya ba re: "Go boitshepo, go boitshepo, go boitshepo MORENA wa masomosomo; lefatshe lotlhe le tletse kgalalelo ya gagwe." 4 Ke fa metheo le direpodi di tshikinyega ka kodu ya yo o kuang, mme ntlo ya tlala musi. 5 Foo ka bua ka re: "A tatlhego ya me wee' gonne matlho a me a bonye Kgosi, MORENA wa masomosomo; ke a nyelela, ka ke le motho wa molomo o o maswe; ke bile ke agile mo gare ga morafe o o melomo e e maswe." 6 Ke fa mongwe wa boSerafime a fofela kwa go nna, a tshotse legala la molelo ka seatla, a le ogotse mo aletareng ka letlao, 7 a le amisa molomo wa me a re: "Bona, legala le, le amile molomo wa gago; jaanong molato wa gago o tlogile, boleo jwa gago bo itshwaretswa." 8 Ka ba ka utlwa lentswe la Morena le re: "Ke tla roma mang? Ke mang yo o tla re elang?" Ka re: "Ke fano, nthome!" Jesaya 6:1-8*

## Se se kaya eng go nna?

Modimo o ntse jang? Re bona Ene e le: 1) Kgosi ya bosakhutleng (temana 1). Le fa dikgosi tsa lefatshe di ka tla le go tsamaya, Modimo o ntse a dutse godimo ga terone ya gagwe 2) Kwa godimo ebile o tsholeditswe (temana 2). Ke yo motona mo go gakgamatsang 3) O boitshepo (temana 3). Se kaya gore Ene o itshekile ka botlalo ebile o kgethegile 4) MORENA (temana 3). Lefoko la SeHebero ke 'Shaddai' le kaya gore ene yo o maatla go dira mo boemong jwa ba ba mmitsang ka tlhoafalo. 5) Motlhodi (temana 3). Ene o dirile lefatshe lotlhe. 6) Mogalaledi (temana 3). Kgalalelo ya Modimo ke phatsimo e ntle ya maitshwaro a a siameng a gagwe. Kgalalelo ya gagwe e tlatsa lefatshe.

Re ka ikarabela jang mo boteng jwa gagwe? Fa ka nnete re kopana le ene, re mo obamela jaaka mangeloi a dira (temana 3), re roroma ka poifo (temana 4), re amogela boleo jwa rona (temana 5), re amogela tshwarelo ya gagwe le kamo ya gagwe e e tlhatswang (temana 7), le go fitlhelela ditsela tsa go bolelela ba bangwe ka moo Ene a makatsang ka teng (temana 8).

## Nka dira eng?

A o dumela gore Modimo ka boammaruri o tshwana le Modimo yo go tlhalosawang ka ene mo? Ga botshelo jwa gago be ne bo tshwantshangwa le lefatshe, a Modimo o tshwana le ngwedi kgotsa letsatsi go wena?

## O batla go buisa go ya pele?

Jesaya 40: 12-27 le Dipesalome 103.

# LETSATSI 2: JESU KE MANG?

Dipotso tse re batlang go di botsa ka Modimo ga di fele: A Modimo o teng ka mmatota? A se re se itseng ka Ene ke boammaruri ka mmatota? Se se ama jang botshelo jwa me?

Beibele e ka se arabe potso nngwe le nngwe ka Modimo, e bile go le gantsi e tla dira gore re botse dipotso di le dintsi ka go fetisisa, mme karolo e nngwe mo Beibeleng e e totobetseng, ke karabo go potso ya go re: Jesu ke mang?

Jesu o akgola moapostole Petoro ka puo ya gagwe ya gore Ene ke 'Mesia,' morwa Modimo yo o tshelang (Matheo 16: 16), ka gonne Jesu o itse gore Ene ke mang - le se a ka nnang sone go rona - o na le maatla go ka fetola matshelo a rona. Jesu o kgethegile ka ntlha ya gore mafatshe a mabedi a kopangwa go Ene: Legodimo le Lefatshe, Bomodimo le botho.

Ee, Leina la gagwe ke leina kwa go godimo ga maina otlhe, ke naleli e entshang moya, le naleli e emisang sefelo, matla a a dirang metlholo di tswa mo bobeding go se sepe. Ke kantlha eo, Beibele e mmitsang 'Emanuele', Modimo o na le rona.

## **Beibele e re ruta eng?**

*Gonne Modimo o ratile lefatshe mo go kalo, mo o bileng wa le neela Morwaa-ona yo o tsetsweng a le esi, gore mongwe le mongwe yo o dumelang mo go ene a se ka a latlhega, mme a nne le bophelo jo bo sa khutleng. Johane 3:16*

*Gonne ke tlhomamiseditswe gore le fa e ka nna loso gongwe bophelo gongwe baengele gongwe balaodi gongwe dilo tse di leng teng gongwe tse di tla tlang gongwe dithata 39 gongwe bogodimo gongwe boteng, le fa e ka nna sebopiwa se sele, ga di kgone go ka re kgaoganya le lorato lwa Modimo lo lo mo go Keresete Jesu, Morena wa rona. Baroma 8:38-39*

## **Se se kaya eng go nna?**

A Jesu wa tshwenyega ka wena? Ee wa tshwenyega! Re itse jang se? Go le gantsi re ipeela kwa thoko go lerato la Modimo ka ntlha ya lemorago la rona, go retelelwa le go se felele ga rona. Boleo bo re kgaogantse le Modimo e bile re ka se kgone go bo tlosa ka bokgoni jwa rona kgotsa ditiro tse dintle. Kajalo re ka amogela jang gore ga ra duelwa? Beibele e re, ga go sepe mo tlhagong yotlhe se se ka re kgaogantshang le lerato la Modimo le le leng go Keresete Jesu Morena wa rona (Baroma 8: 38). Mme go amogela lerato la Modimo ke go ikanya bopelotelele, boitshwarelo, le mogau wa kemo ya Gagwe mo go rona. Ke Ene fela yo o nang le maatla a go re golola mo molatong, matlhabisa ditlhong, le go inyatsa go re naya botshelo jo bo feletseng. Tsotlhe tse re tshwanetseng go di dira ke go fetogela go Ene.

## **Nka dira eng?**

Amogela lerato la gagwe gompiono. Mo letlelele gore a go rate ka tsela e o leng yona, Ga a go rate fela, mme gape o kgatlhega mo go wena.

## **O batla go buisa go ya pele?**

Go tlhaloganya se o leng sona mo go Keresete ke maikutlo a a monate a a gololang, o ka buisa ka go fetisisa mo di temaneng tse di latelang: 2 Bakorinte 5: 17; Bafilipi 3: 8-11

# LETSATSI 3: MOYA O O BOITSHEPO KE MANG?

H20 e kgona go nna teng ka ditsela tse tharo tse di farologaneng (metsi, gase, dikgapetla) mme e be le mooko o o tshwanang. Go Modimo a le mongwe fela, e seng ba ba raro. Tsa masaitsiweng, Ene o mo borarong jotlehe ka nako e le nngwe. Ga re lebeng Moya o o Boitshepo. Moya o tla go tshela mo go rona fa re fetoga go nna Bakeresete. Mokoro o o tsamayang o tlhoka phefo, eseng jalo o ka se tsamaye. Moya o o Boitshepo ke phefo mo go tsamayeng ga botshelo jwa Mokeresete mongwe le mongwe.

## Beibele e re ruta eng?

*7 Mme ke lo bolelela boammaaruri, fa ke re: Go molemo go lona, fa ke tsamaya; gonne fa ke sa tsamae, Mogomotsi ga a ka ke a tla go lona. Mme fa ke tsamaya, ke tla mo romela go lona. 8 Fa a sena go tla, o tla lemosa lefatshe boleo le tshiamo le katlholo; 9 boleo, e le go sa dumeleng ga bone mo go nna; 10 tshiamo, e le fa ke ya kwa go Rre, mme lo se ne lo tlhola lo mpona; 11 katlholo, e le fa molaodi wa lefatshe leno a athotswe. 12 "Ke sa na le dilo tse dintsi go di lo bolelela, mme lo palelwa ke go di itshokela jaanong. 13 Fela e tla re Mowa wa boammaaruri o sena go tla, o lo gogele mo boammaaruring jotlehe; gonne ga o nke o bua ka bogaona, mme o tla bua tsotlehe tse o di utlwang; o bile o tla lo itsise dilo tse di tlang. 14 Ona o tla nkgalaletsa; gonne o tla tsaya mo go tse e leng tsa me, o di lo itsise.*

*15 Tsotlehe tse Rara o nang natso ke tsa me, ke ka moo ke rileng: 'O tla tsaya mo go tse e leng tsa me, o di lo itsise.'* Johane 16:7-15

## Se se kaya eng go nna?

Moya o o boitshepo ke mang? Ene o bidiwa 'mogakolodi' (temana 7) go kaya mogomotsi, mononotshi, mogakolodi le mothusi. Ene gape o bidiwa 'Moya wa Boammaruri' (temana 13). Ke kantlha ya eng ene a neetswe go rona? Moya o o Boitshepo ke mothusi wa gago (temana 7). Jesu o ne a kgona fela go nna mo lefelong ka nako e lengwe, mme gone ka moya o o boitshepo, O kgona gonna le dimilione tsa batho ka nako e lengwe. Ke ka moo go leng molemo gore Jesu o boetse ko legodimong (temana 7).

Ene o dira eng? O kgona go dira ba e seng Bakreste ba sokologe mo maleong a bona go ya go Modimo (temana 8-10). Rona o re thusa go tlhologanya boammaruri jwa Beibele (temana 13). Ene o bua le rona ka thato ya Modimo (temana 14). Ene o re gogela go obamela le go tsholetsa Jesu (temana 14). Ene o re letlelela go itemogela mogau o montle wa Modimo (temana 15). Ke ka moo kitso le kobamelo ya Modimo di sa kgonegeng kwantle ga Moya o o Boitshepo! Go lebogwe Modimo ka tsala le mpho entle e!

## Nka dira eng?

Ke ka ditsela dife tse o itemogetseng tiro ya Moya o o Boitshepo mo botshelong jwa gago? Rapela le go kopa Moya o o Boitshepo gore o dire mo botshelong jwa gago.

## O batla go buisa go ya pele?

Hezekiele 37:1-10 e go naya setshwantsho se se matla sa tlhotlheletso e Moya o o Boitshepo o nang le yone go badumedi.

Bona gape Johane 14: 16-17

# LETSATSI 4: SEFAPANO

In die Tweede Wêreldoorlog het 'n groep wetenskaplikes die atoombom gebou. Een van die Mo ntweng ya bobedi ya lefatshe, setlhophya sa borasaense ba ne ba aga dibomo tsa atomiki. Yo mongwe wa bakganiki o ne a latlhela sepanere mo sedirisweng sa marang.

Ka kitso ya gore tiriagalo e tla dira gore bomo e thunye ka metsotswana, yo mongwe wa borasaense o ne a fitlhelela le go phamola sepanere. Ene o ne a boloka matshelo a botlhe, mme a latlhegelwa ke botshelo jwa gagwe ka ntlha ya go tsenwa ke marang. Se ke kgang e e tlhagisang molaetsa wa sefapano, moo Jesu a swetseng dibe tsa rona, ka jalo ga go tlhokege gore re dire jalo.

## Beibele e re ruta eng?

*E ne e le nako ya borobongwe fa ba mmapola. 26 Sekwalo sa molato wa gagwe sa bo se kwadilwe fa godimo se re: "KGOSI YA BAJUTA." 27 Ba bapola dinokwane di le pedi nae, sengwe ka fa letsogong la gagwe le le jang, se sengwe ka fa go la molema. 28 Lokwalo lwa ba lwa dirafala lo lo reng: O baletswe le baikepi. 29 Ba ba fetang ba mo kgala, ba thukhutha ditlhogo ba re: "Auwi, wena yo o senyang Tempele, o be o e age ka malatsi a le mararo, 30 ipholose, o fologe mo sefapaanong." 31 Baperesiti ba bagolo le bone le Baitsedikwalo ba sotla fela jalo, ba raana ba re: "O ne a thusa ba bangwe, mme o palelwa ke go ithusa. 32 A Keresete, Kgosi ya Iseraele, a fologe jaanong mo sefapaanong gore re bone, re tle re dumele." Le ba ba bapotsweng nae ba mo kgoba. Loso lwa ga Jesu 33 Ya re ka nako ya motshegare ga nna lefifi mo lefatsheng lotlhe go ya nakong ya boraro thapama. 34 Ya re ka nako ya boraro thapama Jesu a kua ka lentswe le legolo a re: "Eloi, Eloi, lama sabagathani?" fa go fetolwa ke go re: "Modimo wa me, Modimo wa me, o ntlogeletseng?" 35 Ba bangwe ba bone ba ba emeng teng, ya re ba utlwa, ba bua ba re: "Utlwang, o bitsa Elia." 36 Mongwe a taboga, a ina ngami mo motatseng, a e tlhomela mo lotlhakeng, a mo nosa a re: "Lesang, re boneng gore a Elia o tla tla go mo pagolola." 37 Mme Jesu a goa ka lentswe le legolo, a ntsha mowa. 38 Ke fa lesire la Tempele le gagoga, go simolola kwa godimo go ya kwa tlase. 39 Mme molaodi-wa-lekgolo yo o emeng fa teng a lebaganye nae, ya re a bona gore o ntshitse mowa ka mokgwa oo, a bua a re: "Ammaaruri, motho yo e ne e le Morwa Modimo." Mareko 15:25-39*

## Se se kaya eng go nna?

Jesu o tlhokafetse setlhogo le go nna le lesa le le sa tshwanelang go bona ke batho. Mme se ke sengwe sa dilo tse di sa tlwaelegang go bonwa le se se maswe go feta se se neng sa diragala. Ene, yo o senang bolelo, o itemogetse kwatlhao e e tshwanetseng maleo a rona gore re tshwarelwe. Ke ka moo, Ene a ikutlwetseng a latlhlilwe ke Rara (temana 34) Ga Ene a 'budulula moya wa Gagwe wa bofelo', lesira la tempele la gagoga ka bobedi- ka bolone (temana 38). Se se kaya eng? Pele ga Jesu a tla, Bajuta ba ne ba aga tempele. Modimo o ne a tshela mo go yone, mo teng ga bodulo jo bo boitshepo jo bo kwa go godimo Ga go ope yo o ka tsenang ka losira kwantle ga moperesita yo mogolo gangwe mo ngwageng. Se se ne se gopotsa batho gore maleo a bona a masisi ebile a ba kgaogantse le Modimo. Mme fa Jesu a ne a tlhokafala, losira le gagogile ka tsela e e seng mo tlhologong Jaanong mojako o re bulegetse go tshela gaufi le Modimo, go sa kgathatsege maleo a fetileng a rona, a jaanong a tshwaretsweng. A dikgang tse dintle! Jesu o re naya tokologo go tswa molatong le go nna gape le botsalano le Modimo. Ke boammaruri gore, se se a re ama fela ga re amogela tshwarelo e e rekilweng ka madi ebile re tsena ka mojako o o butsweng, ka go baya tumelo ya rona go Jesu le sefapano.



# LETSATSI 5: TUMELO GO KERESETE FELA

Mosetsanyana o ne batla go atamela gaufi le Modimo. Bosigo bongwe Modimo o mo neile toro. Mo torong, one a batla go palama mafika a kwa godimo go fitlhelela Modimo kwa godimo. Ene, o lekile thata, mme a retelwa ke go fitlhela kwa godimo. Ka mokgathala le khutsafalo, o ne a ikemiseditse go ineela le go fologa. Morago ga moo, o ne a bona terampolini kwa tlase ga mafika. Ene a itlogelela go tlola go tswa mo terampolining, a ba a iphetlhela a le kwa godimo le Modimo. Re atamela jang gaufi le Modimo? Iteseletse. O tlole.

## Beibele e re ruta eng?

*“A dipelo tsa lona di se huduege; dumelang mo Modimong, le nna, dumelang mo go nna!*

*2 Mo ntlong ya ga Rre go na le maago a le mantsi. Go seng jalo, nka bo ke lo boletse; gone ke ya go lo baakanyetsa manno. 3 Mme e tla re ke sena go ya le go lo baakanyetsa manno, ke boe, ke lo itseele gore kwa ke leng teng, le lona lo nne teng. 4 Mme kwa ke yang teng, lo a go itse, le tsela lo a e itse.” 5 Thomase a mo raya a re: “Morena, ga re itse kwa o yang teng; mme tsela re ka e itse jang?” 6 Jesu a mo araba a re: “Ke nna tsela le boammaaruri le bophelo; ga go ope yo o ka fitlhang kwa go Rara fa e se ka nna. 7 Fa lo ka bo lo nkitse, lo ka bo lo itse le ene Rre. Mme go tloga jaanong lo a mo itse, lo bile lo mmonyane.” 8 Filipino a mo raya a re: “Morena, re supetse Rara, foo go tla bo go re lekanye.”*

*9 Jesu a mo raya a re: “Ga ke bolo go nna le lona, mme a ga o ise o nkitse, Filipino? Yo o mponyeng o bonye Rara. O bua jang fa o re: ‘Re supetse Rara’? Johane 14:1-9*

## Se se kaya eng go nna?

Re ka se kgone go fitlhelela go Modimo ka go palama mafika ka matsapa a maitshwaro le bodumedi ba rona. Jesu o tletse go re golola go tswa makeng a gore re ka ipholosa.

Re ka kgona fela go fitlhelela Modimo ka go baya tumelo go Jesu le gore o swetse maleo a rona. Ke goreng go na le ditumelo di le dintsi? Karabo: Tsotlhe tse ke matsapa a go fitlhelela Modimo. Tumelo ya Buda e arogantse ka maphata a robedi. Tumelo ya Iselamo e arogantswe ka melao e metlhano. Tumelo ya Mahindu e na le Karama. Tumelo ya Majuta e na le Tora. Le fa ditumelo tsotlhe tse di neelana ka dikaralo tsa nnete le bontle tse di tshwanetseng ke go somarelwa, di fosagetse ka go itlhome gore re tshwanetse go dira ka borona go fitlhelela tsela ya go ya go Modimo. Tsotlhe di tshotse 'llere' ya go ya go Modimo.

K e eng se se dirang Bokeresete gore bo kgethege? Karabo: Le fa bodumedi e le maiteko a batho go fitlhelela Modimo, Bokeresete ke maiteko a Modimo go fitlhelela batho. Ka ge re retelwa go mo fitlhelela ka matsapa a rona, Ene o tla go rona ga fela re tshepa mogau wa gaggwe o o sa re tshwanelang! Keresete mofuta wa terampolini ya mogau. Ga re tshepa go Keresete, re ka fenywa dipelo tse di tshwenyegileng (temana 1), poifo ya lesa (temana 3), le go se itse se Modimo e leng sone (temana 7). Mo go Jesu fela re ka fitlhela tsela, boammaaruri, botshelo jwa boammaaruri, le kamano ka namana le Modimo jaaka Rara wa rona (temana 6). A mogau o o makatsang!

## Nka dira eng?

A o emisitse go tshepa mo go kgoneng ga gago go fitlhelela kamogelo ya Modimo? A jaanong o tshepa terampolini ya Jesu fela, le mogau wa gagwe o o sa re tshwaneleng, go amogelwa ke Modimo? A go na le sengwe se se go kgoreletsang gore o tlole?

## O batla go buisa go ya pele?

Bona Baefeso 2: 8-10 le Baroma 10: 2-4 go bona ka tsela e bodumedi le ditiro tse ntle di ka se re pholoseng, mme mogau wa Modimo o ka kgonang go dira jalo.

# LETSATSI 6: PHOLOSO

Rre wa MoSpain o ne a batla go dira kagiso le Morwa wa gagwe yo a tshabileng kwa Madrid. Ene o ne a tthagisa mo kuranteng ya El Liberal: "Pako, ntlhakanyetse kwa Hoteleng ya Montana ka Labobedi motshegare. Tsotlhe di tshwaretse. Rre." Pako ke leina le le tlwaelegileng kwa Spain. Fa rragwe a ya kwa Hoteleng o ne a fitlhela makau a makgolo a robedi a bidiwa ka leina la Pako ba emetse borraabo. Kwa boteng jwa rona, rotlhe re lakatsa go nna le legae mo re ratiwang kwantle ga maemo. A re lebeleleleng neo ya Modimo ya mogau go rona:

## Beibele e re ruta eng?

*Go tthagisa ntlha go ya pele, Jesu o ba boleletse kgang e: "Monna o ne a na le barwa ba babedi. 12 Yo mmotlana a raya rraagwe a re, 'Rra mphe kabelo ya boswa e e ntshwanetseng. Mme rraagwe a ba kgoganya tse ba phelang ka tsona. 13 Morago ga malatsi a se kae morwa yo mmotlana a phutha tsotlhe, a hudugela kwa lefatsheng le le kwa kgakala; teng a senya khumo ya gagwe ka bophelo jo bo maswe. 14 Ya re a sena go senya tsotlhe, ga nna leuba mo lefatsheng leo, mme a simolola go tlhoka. 15 Jaanong a ya a ikopanya le mongwe wa baagi ba lefatsheng leo. Yoo a mo romela kwa magoleng a gagwe go disa dikolobe. 16 A ba a eletsa go ikgorisa ka maungo a ditlhare a a jewang ke dikolobe, mme a se ka a fiwa ke ope. 17 Ke fa a itharabologelwa a re: 'Barapiwa ba ga rre ba bantsi jang, ba ba nang le dijo tse dintsi, mme nna fano ke swa ka tlala. 18 Ke tla nanoga ke ya kwa go rre, ke mo raya ke re: Rra, ke leofetse legodimo le wena; 19 ga ke tlhole ke tshwanela go bidiwa morwao; ntire jaaka mongwe wa batlhanka ba gago.' 20 A ba a nanoga, a ya kwa go rraagwe. "Ya re a sa ntse a le kgakala, rraagwe a mmona, a tlhomoga pelo, a taboga, a wela mo thamong ya gagwe, a mo atla. 21 Morwawe a mo raya a re: 'Rra, ke leofetse legodimo, ka ba ka leofela wena; ga ke tlhole ke tshwanela go bidiwa morwao.' 22 Mme rraagwe a raya batlhanka ba gagwe a re: 'Akofang lo ntshe seaparo se sentlentle, lo mo apese, lo mo rwese palamonwana mo monwaneng, le ditlhako mo dinaong; Luka 15:11-22*

## Se se kaya eng go nna?

Boleo bo re kgaogantsha le Modimo yo a re ratang (temana13). Mo bofelong, bo a re gobatsa thata fela jaaka bo gobatsa Modimo (temana 14,15). Le fa go le jalo, ga go thari go tla gae fela. Ga re itharabologelwa, fetoga go tswa boleong le beye tshepo ya lona go. Modimo (temana 17-20), mme le tla amogelwa ka boutlwelebotlhoko, mabogo a a bulegileng, tshwarelo, letago le tshegofatso (temana 20-25). Kgang e, ke setshwantsho se se kgatlhisang sa pholoso le botsalano jo Modimo a lakatsang go ba le bone le rona.

Kgang e ngwe ke e. Rre, o ne a tswa lebentleleng, o ne a tshwara mosetsanyana wa gagwe a na le santa (mobu) ka mo molomong wa gagwe. O ne a leka go mo tshosetsa le go mo kopa gore a e kgwe, mme a gana ka fa a ne a rata tatso ya yona thata. Ke fa a tsholetsa lobebetsididi (aesekerimi) e a neng a mo reketse yone, ke fa a kgwa santa ele ka bonako.

Fa Modimo a re bolelela gore re tlogele boleo mme re mo latele, ga se gore o batla go tsaya go ijesa monate ga rona. Ke ka gore Ene o na le sengwe se se botoka thata se a re tsholetseng sone. Ene o re naya tshwarelo, botshelo jo bo sa khutleng le kamano ka namana le Ene.

## Nka dira eng?

A go na le boleo kgotsa botlhoko jo bo go kgoreletsang go tla gae go Modimo? Go tswa go kgang ya Luka, Modimo o farologane jang le rrago wa mo lefatsheng?

# LETSATSI 7: TSOGO

A o na le mongwe gaufi le wena yo o tlhokofetseng? Ga go le jalo, o ka tswa o itse gore gontse jang go kgobega maikutlo le gore leso ke mafelelo. Tota e bile, go sengwe se le esi se re tlhomamisetsang gore - botlhe re tlile go swa. Ga ditsala tsa Jesu di mmona a swa leso le le setlhogo, ba ne ba utlwa botlhoko thata. Ka gonne ba ne ba lebetse tshepiso e a e dirileng ya gore o tla boa. A o ile wa ipotsa gore Jesu o sa ntse a tshela, gore Bokeresete ke nnete, le gore go na le botshelo morago ga loso. Dikgakangamatso tsa tiragalo tsa kang e e fetileng e, di araba dipotso tsotlhe.

## Beibele e reng?

*E rile Sabata a sena go feta, fa bosigo jwa letsatsi la ntlha la beke boo sa, Maria Magdalena le Maria yo mongwe ba ya go bona phupu. 2 Ka tshoganyetso ga nna thormo e kgolo ya lefatshe; gonne moengele wa Morena o ne a fologa kwa legodimong, a pitikolola lentswe, a nna mo go lone. 3 Ponalo ya gagwe e ne e tshwana le logadima, seaparo sa gagwe se le sesweu jaaka semathana. 4 Badisa ba roromisiwa ke go mmoifa, ba be ba nna jaaka baswi. 5 Moengele a raya basadi a re: "Lona se boifeng! Kana ke itse gore lo batla Jesu yo o neng a bapotswe. 6 Ga a yo fa; gonne o tsogile, fela jaaka a buile. Tlaang lo bone felo fa o ne a letse teng. 7 Mme jaanong itlhaganeleng, lo bolelele barutwa ba gagwe lo re: 'O tsogile mo baswing, o bile o lo etelela pele go ya kwa Galelea. Lo tla mmona teng.' Ke foo, ke lo boleletse." 8 Ba akofa ba tloga fa phupung ka poifo le boitumelo jo bogolo, ba siana go itsise barutwa ba gagwe. 9 Ka tshoganyetso Jesu a kgatlhana nabo a re: "Dumelang!" Ba tla ba tshwara dinao tsa gagwe, ba mo obamela. 10 Jesu a ba raya a re: "Se boifeng! Yaang lo bolelele bana ba ga Rre lo re, ba ye kwa Galelea, ba tla mpona teng." Matheo 28:1-10*

## Se se kaya eng go nna?

Tsogo ya baswi e kaya eng go rona? E kaya gore ka boammaruri Jesu ke Modimo. Ke ka moo basadi be ne ba mo obamela (temana 9). Ke ka moo ba ne ba nna le matla a a lekaneng go bolelela botlhe (temana 10). Se se raya gore Bokeresete ke boammaruri Josh MacDowell, yo o sa dumeleng sepe, o ne a leka go netefatsa gore tsogo ya Jesu ga e se e diragale, mme morago ga go lebelela bopaki ba ditiragalo tse di fetileng, o ne a dumela (tlhatswega pelo) gore seno se ne sa diragala. Ene o ne a fetoga go nna Mokeresete e bile a kwala buka e e rekiwang thata, *The Resurrection Factor* e e bontshang tsogo jaaka tiragalo e e diragetseng. Se se kaya gore re ka tlhomamisa ka go nna teng ka botshelo jo bo sa khutleng. Ka tsela e, Jesu o tshetse go feta leso, O tshepitsitse gore re tla newa botshelo jo sa khutleng ga fela re tseha go ene. Go kaya gore Jesu Jesu o a tshela. Se se baya Jesu kwa thoko go tswa go batlhodi botlhe ba ditumelo tse dingwe. Ke ene fela a senang lebitla! Go kaya gore re ka tshegofadiwa. Jesu o ne a raya dipaki tsa tsogo ya gagwe, "Ka goone le mpone, la dumetse, mme go tshegofaditswe botlhe ba ba sa mponang -mme le fa gontse jalo ba dumetse (Johane 20:29)

## Nka dira eng?

Tsogo ya Gaagwe e kaya eng go nna?

## O batla go buisa go ya pele?

Bona 1 Bakorinte 15:12-22. Buisa Tshenolo 1:9-18 go bona ka namana sefatlhego sa yo o tsogileng

# LETSATSI 8: GO IATELA JESU

Just do it! (Dira fela jalo!) ke moano wa Nike, fela o tihalosa go itaya ga pelo ya losika la rona. Gompieno, dimilione tsa batho ba ipitsa Bakeresete mme 'ga ba dire fela jalo'. Ga ba batle go latela ka nnete le go obamela Modimo o ba reng ba a mo dumela. Bakeresete ba pele ba ne ba sa ipitse Bakeresete, mme ba ne ba bidiwa barutwa kgotsa balatedi ba ga Jesu. Tlaya re bone batho bangwe bao ba neng ba nna le monyetla o o farologaneng wa go Mo latela mme ba dira fela jalo.

## Beibele e re ruta eng?

*Go tloga foo Jesu a simolola go rera a re: "Tlhabologang; gonne puso ya magodimo e atametse!" Barutwa ba ntlha. 18 Ya re a tsamaya fa letsheng la Galelea, a bona bana ba motho ba le babedi, e bong Simone yo o bidiwang Petoro le Andrea morwa-rraagwe, ba digela letloa mo letsheng; gonne e ne e le batshwari ba ditlhapi. 19 A ba raya a re: "Ntshalang morago, mme ke tla lo dira batshwari ba batho." 20 Jaanong ba akofa ba tlogela matloa, ba mo sala morago. 21 Ya re a fetela pele go tswa foo, a bona bana ba motho ba bangwe ba le babedi, e bong Jakobo, morwa Sebeteo, le Johane monnawe, ba na le Sebeteo rraabo mo mokorong, ba baakanya matloa a bone; a ba bitsa. 22 Ba akofa ba tlogela mokoro le rraabo, ba mo sala morago. 23 Jaanong Jesu a tsamaya le Galelea yotlhe, a ntse a ruta mo disenagogeng tsa bone a rera Efangele ya puso, a fodisa malwetse otlhe le makoa otlhe mo bathong. Matheo 4:17-23*

## Se se kaya eng go nna?

Se kaya dilo tse thataro: 1) Gakgamadiwa ke botlhale le maatla. Ke eng gape se se ka tswang se dirile gore batho ba mo latele ka botswapelo (temana 20)? Jesu o na le botlhale le maatla a re a tlhokang gore re tshole botshelo jo bo botoka. 2) Simolola botsalano ba namana le Ene. Tiragalo e, e ne e le tshimologo ya botsalano jo bo sa khutleng le Jesu ya batho ba. Jesu le Ene, o batla go ba tsala ya rona. 3) Kopolola sekai sa Gagwe. Morago ga moo, batho ba ne ba tshwaela ka moo banna ba ba neng ba tlhagisitseng Jesu mo matshelong a bona (Ditiro 4:13). Jesu o batla go, e bile o kgona go re dira gore re tshwane le Ene ka go fetisisa. 4) Dumela le go obamela dithuto tsa Gagwe. Barutwa ba, ba ne ba tsaya dithuto tsa Gagwe tsia. Seno se amile ka moo ba neng ba tshela (temana 17-23). Dithuto tsa Jesu di kgona gape go dira gore re akanye sentle le go tshela ka botswapelo. Mo tlhakanyetse mo morerong wa Gagwe wa go fitlhelela batho. O tshepitsitse Petoro le Andrea gore o tla ba dirisa go fetola matshelo a batho (temana 19). Tshepiso eno, leron e a re akararetsa.

## Nka dira eng?

Na o tsere tshwetso ya go sala Morena Jesu morago? Fa go se jalo, goreng o sa mo sale morago? Ke efe ya dintlha tse thataro fa godimo tsa go sala Jesu morago di go fa kgwetlho mo go feteletseng?

## O batla go buisa go ya pele?

Bona Luka 5:1-11 go fitlhela thanolelo e teletsana ya dingwe tsa kanelo e.

# LETSATSI 9: MOPUTSO WA KWA NTLLE

Monna ka nako ngwe o ne a tsamaya ka sekepe godimo ga lewatle. O ne a se fitlhelele go duela karata, kajalo fa ba bangwe ba ya nakong ya dijong, o ne a dula a le mongwe, a ja borotho jwa gagwe se se senyegileng. Fa ba fitlha kwa magorogong, Mokapetene o ne a mmotsa potso, 'Goreng o sa tla dijong? Seno e ne e le karolo ya tuelo ya karata ya gago.'

Kgang e, e re gopotsa ka batho ba bantsi ba ba akayang gore ka go tshepa go Jesu re amogela fela karata ya go ya legodimong. Go nna Mokeresete go kaya gape gore re na le meputso e megolo mo botshelong jono.

## **Beibele e re ruta eng?**

*Gonne botlhe ba ba gogwang ke Mowa wa Modimo ke bone bana ba Modimo. 15 Kana ga lo a amogela mowa wa bothanka wa gore lo boe lo boife; mme lo amogetse mowa wa bongwana o re bitsang ka ona re re: "Abba, Rara!" 16 Mowa ka osi o supetsa mewa ya rona gore re bana ba Modimo. 17 Mme fa re le bana, e bile re barua-boswa, e bong barua-boswa ba Modimo le barua-boswa mmogo le Keresete, fa tota re bogisiwa nae, ke go re, re tle re galalediwe nae.*  
Baroma 8:14-17

## **Se se kaya eng go nna?**

Ga re tshepa le go latela Jesu, go diragala eng? Re amogela Moya o o Boitshepo (temana 14). Ke boteng jwa Modimo jo bo tlang go dula mo go rona. Re amogela letshwao le lentsha la sebopego sa rona jaaka bana le boruaboswa jwa Modimo. Re itse se re leng sone ka goone re itse yo re leng ba one. Re amogela taletso ya go itumelela Modimo jaaka Rre ya o tletseng lerato (temana 15). Re ka tsalana le ene jaaka Rara (Se se kaya "Rre"). Re amogela tshepiso ya gore Modimo a ka seke a emisa go re rata, go sa kगतatshege gore go diragala eng (temana 35-39). Tse ke ditshepiso tse di makatsan Maswabi ke gore, Bakeresete ba bantsi ba di lebala kgotsa ba tshwara bothata go di dumela. Phitlhelelo e dirile gore maphuka a phuthuloge go fofa lwa ntlha. Se se utlwagala jaaka kang ya tsuanyana e e maswe e neng e sa tshwanele ke go nna mo gare ga ditsuanyana tse dingwe, go filhelela e fitlhela gore e ne e le pidibidi entle.

## **Nka dira eng?**

A o dumela ditshepiso tse? A tumelo ya gago e ikaegile mo maikutlong a gago kgotsa mo dintlheng tse di sa fetogeng tsa Lefoko la Modimo?

## **O batla go buisa go ya pele?**

Buisa Baefeso 3:14-19 mabapi le lerato la Modimo

## **KE EFE KGATO YA ME E E LATELANG?**

**A o mo setlhopeng? Detlhopa ke mafelo a mo one o ka fitlhelang ditsala le go gola mmogo le bone. Re dumela gore botshelo bo BOTOKA MMOGO ebile phetogo ya botshelo jwa nnete bo direga mo maemong a botsalano. Re rata gore o fitlehele batho ba gago. Jaanong, tlaya o re bone mo lefelong la tshedimosetso/ kamogelo ka Sontaga kgotsa etela letlakala la rona la Groups go [www.hillsong.com/SouthAfrica](http://www.hillsong.com/SouthAfrica).**

# LETSATSI 10: BEIBELE

Modimo ga se mokwadi wa Beibele. Mme o tshosomeditse bakwadi ba ba 40 ba yone, go akaretsa mmoki, kgosi, modisa wa letsomane, ngaka, mokgethisi le motshwari wa ditlhapi, yo o kwetseng dibuka tse di farologaneng mo mengwageng e e fetang 1600. Kgolagano e kgologolo (dibuka di le 39) e kwetswe pele ga tsalo ya Morena Jesu. Kgolagano e ntšhwa (dibuka di le 27) e kwetswe morago ga tsalo ya Gagwe. Modimo o netefaditse gore bakwadi ba, ba kwale se a se batlang le gore enne le nnete e e bontshang se Modimo a leng sona, se a se dirileng, le se a tsweletseng go se dira, ka moo re ka bang le setsalano le Ene.

Lefatshe la bogologolo la Beibele le fetogile, fela molaetsa wa yona o sa le nnete e bile o maleba gompiano jaaka gale.

## Beibele e re ruta eng?

*Lekau le ka boloka bophepa jwa tsela ya lone jang? Ka go ikobela Lefoko la gago.*

*10 Ke go batla ka pelo yotlhe; se ntese ka fapoga ditaelo tsa gago. 11 Ke bolokile Lefoko la gago mo pelong ya me gore ke se ka ka go leofela. 12 A go bakwe wena, Morena, nthuta melao ya gago. 13 Ditao tsotlhe tsa molomo wa gago ke di boletse ka molomo. 14 Ke itumelela tsela ya ditshupo tsa gago bogolo go mefutafuta ya dikhumo. 15 Ke tla akanya ditaolo tsa gago ke ele ditselana tsa gago tlhoko. 16 Ke tla natefelwa ke melao ya gago, ga nkitla ke lebala Lefoko la gago. 17 Ntirele molemo ke le motlhanka wa gago gore ke phele, ke tle ke boloke Lefoko la gago. 18 Mpudulola matlho gore ke itse go bona dikgakgamatso mo molaong wa gago. 19 Ke moeng mo lefatsheng; o se ka wa mphitlhela ditaelo tsa gago.*

*20 Mowa wa me o nyoretswe ditao tsa gago ka gale. 21 O bôpetse baikgogomosi, ba ba hutsitsweng ba ba fapogang ditaelo tsa gago. Dipesalema 119:9-21*

## Se se kaya eng go nna?

Goreng re tshwanetse go tsenelela mo Beibeleng? E re tshola re itshekile (temana 9) e bile re se na sebe (temana 11). E re tlisetsa boitumelo (temana 14) le kgakgamalo (temana 18). E lapolosa meya ya rona, jaaka mamepe a a fepang mebele ya rona (temana 103). E re kaela mo go tseyeng ditshwetso, jaaka tsela e re etelela pele fa re timetse (temana 105). E re fa tlhaloganyo (temana 104). Re tsenelela jang mo Beibeleng? E obamele (temana 9). Ikgakolose dikarolwana tsa yone (temana 11). E buelele kwa godimo go wena le ba bangwe (temana 13). E rate thata jaaka lehumo (temana 14). Akanya ka yone gantsi go fitlhela e nna karolo ya gago (temana 15). Se ikgatholose yone (t16). Kopa Modimo gore a bule matlho a gago ga ontse o e buisa le go e utlwa (temana 18). E tlhologelete (temana 20). Ikokobetse, se nne mafega, fa o e amogela (temana 21). E itumelele (temana 103). Ga go a lekana gore lefoko la Modimo le re neye tshedimosetso fela, le tlhoka go tsenelela mo go rona go fitlhela le tlisa phetogo! Ka dinako tsotlhe fa o le buisa kgotsa o le utlwa, kopa Modimo go bua le wena ka lone.

## Nka dira eng?

Ke karolo efe e Beibele e e tsereng mo botshelong jwa gago go fitlha fa? O ka tsenya jang Beibele mo go feteletseng ka fa gare ga gago?

## O batla go buisa go ya pele?

Bona Joshua 1:6-9 le Timotheo 3:14-17 go fitlhela kitso e e tseneletseng. Botsa mongwe wa setlhopho sa rona se se gaisang sa Kholetsheng ya Bosigo (Evening College), e e leng yona e e ka go thusang gore o epe kwa teng ga lefoko la Modimo.

# LETSATSI LA 11: KEREKE

Fa o ka tlosa logong lo lo tukang mo molelong, lo swa ka bonako. Lo tlhoka magong a mangwe gore lo tswelele pele ka go tuka le go phatsima. Ka yona tsela eo, tšhesego ya rona ya Modimo e swang fa re leka go latela Jesu fela re sa ikgolaganye le kereke e e ratang Modimo. Kwa legodimong ditlhogo tsa dikgang ga di boelele ka dipolotiki kgotsa dinaledi tsa dibaeskopo. Kereke ke lelapa la Modimo. E teng go bontsha Ene le molaetsa mo motseng o e beilweng mo go one. Ga se moago kgotsa kopanelo ya batho. Ke batho. Ga re ba Modimo fela, re ba rona gape. Botshelo jwa bokresete ke go nna mmogo. Ga nna tshikanosi ga bo dumelesege! A re lebe kereke ka bojotlhe jwa yona.

## Beibele e re ruta eng?

*41 Ke fa ba ba amogetseng lefoko la gagwe ba kolobediwa, mme ka letsatsi leo phuthego ya oketsega ka batho ba ba ka nnang 3 000. Bophelo jwa phuthego. 42 Ba nnela ruri mo thutong ya baapostolo le mo kopanong le mo nathoganyong ya senkgwe le mo merapelong. 43 Poifo ya tshwara dipelo tsotlhe; dikgakgamatso le ditshupo di le dintsi di ne di dirwa ke baapostolo. 44 Mme botlhe ba ba dumetseng ba utlwana, ba tlhakanela di-tsa-bone tsotlhe; 45 ba rekisa dithuo le di-tsa-bone, ba abela botlhe ka fa mongwe le mongwe a tlhokang ka teng. 46 Ba nnela ruri ka malatsi otlhe ka bongwefela jwa pelo mo Tempeleng, ba nathoganya senkgwe kwa le kwa mo matlong a bone, ba ja dijo ka boitumelo le bopelophepa, 47 ba baka Modimo, ba bona botsalano mo bathong botlhe. Mme Morena a oketsa phuthego ka letsatsi le letsatsi ka ba ba pholosiwang.*

Ditiro 2:41-47

## Se se kaya eng go nna?

Kgang e e re bolelela ka gore re dire jang gore re be kereke. Ineeleng go rutiwa le go tsheela lefoko la Modimo. Dira se o ka se kgonang gore o tlhologanye lefoko la Modimo le gore o obamele Beibele botoka mmogo. Aga botsalano jo bo nonofileng. O seke wa ya dikopanelong fela: tsena mo magaeng le mo matshelong a mong ka wena. Kgaoganyang senkgwe mmogo. Ejang senkgwe/borotho le beine/ matute mmogo, le gopole loso lwa ga Jesu Keresete (Bona 1 Bakorinthe 11:23-29). Rapelang le roriseng Modimo mmogo. Atamelang go Modimo mmogo, letelang gore A itshenole go fetisisa le gore a senole ditsela tsa Gagwe go lona. Tlhokomelanang. Itekeng go thusana, segolasetona ba ba gobetseng. Gogela ka fa gare ba ba leng kwa ntle. Go tshwara Modimo go rona fela go na le bopelotshetlha, ka jalo, abelang tumelo ya lona le ba bangwe, le ba laletse go tla go dikopanelo tse dingwe tsa lona. Lo seke lwa nyema mooko. Kereke nngwe le nngwe ke setlhopha sa batho ba ba sa itekanelang ba ba na leng kgolagano le tlhogo e e itakanetseng ebong Jesu Keresete. O re fa mogau wa go se sotle baetapele e bile gore re se sotlane ka borona. O batla gore re nne karolo ya tharabololo, eseng bothata.

## Nka dira eng?

Ke maitemogelo afe a o ntseng le ona ka kereke? A o itse kereke e e tshwanang le e ka tsela e nngwe? O thibelwa ke eng go tla go kopanela.

## O batla go buisa go ya pele?

Bona Bahebere 10:24-25 go fitlhela kitso e e oketsegileng. Bona 2 Timotheo 4:2-5 go fitlhela ditsiboso ka ga kotsi ya dikereke tse di na leng dithuto tse di fosagetseng.

Go tlhologanya gore goreng Bakreste ba ja selallo ba aroganya senkgwe mmogo buisa 1 Bakorinthe 11:23-29.

# LETSATSI LA 12: THAPELO

Go thwe BaSudane ba pele b aba sokologetseng go Keresete ba dirile maitlamo a go rapela letsatsi lengwe le lengwe. Mongwe le mongwe o ne a na le dikgoba tse di farologaneng mo masuthung moo a tla tshololelang pelo ya gagwe go Modimo. Fa nako e ntse e ya, ditselana mo tlhageng go ya go dikgoba tse di ne di bonala ka tlhaga e ne e sa tlhole e mela. Ka lebaka leo, fa mongwe wa badumedi ba a ikgatholosa thapelo, e ne e ba pepeneneng go ba bangwe. Ba ne ba gopotsa modumedi yo a ikgatholosang, bare 'Mokaulengwe, tlhaga a gola mo tselaneng ya gago.'

## Beibele e re ruta eng?

*Mme wena, e re fa o rapela, o tsene mo ntlwaneng ya gago e e kwa teng; mme e re ò sena go tswala mojako, ò rapele Rraago yo o mo sephiring; mme Rraago yo o bonang mo go fitlhegileng o tla go duela. 7 "Fa lo rapela, lo se ka lwa boaboela jaaka baheitane; gonne ba gopola gore ba tla utlwiwa ka ntlha ya bontsi jwa mafoko a bone. 8 Ka moo he, se tshwaneng le bone; gonne Rraalona o itse tse lo di tlhokang, lo ise lo di mo kope.*

*9 Mme lona lo rapele jaana lo re: " 'Rraetsho yo o kwa magodimong; leina la gago a le itshepisiwe; 10 puso ya gago a e tle; thato ya gago a e dirafale mo lefatsheng jaaka kwa legodimong. 11 Re fe gompiano sejo sa rona sa letsatsi. 12 O re itshwarele melato ya rona, jaaka le rona re itshwarela ba ba melato le rona. 13 O se re gogele mo thaelong, mme ò re golole mo bosuleng. Gonne bogosi ke jwa gago, le thata, le kgalalelo, ka bosenabokhutlo! Amen.' Matheo 6:6-13*

## Se se kaya eng go nna?

Re tshwanetsa go rapela jang? Tlosa dikgoreletsi tsotlhe mme o tlhome mogopolo wag ago go Modimo yo o na leng wena. O tlhoafaleitse go araba Thapelo ya gago (temana 6). O seke wa leka go Mo kgalitha ka puo e e mbaibai ya sedumedi (temana 7). Bontsha Tebogo, kutlobotlhoko, kgalithegole ya go itse dilo, lerato, sengwe le sengwe. Ke ka ntlha ya eng re tshwanetse go rapela? Go na le dilo di le di ntsi tse o ka rapelang ka tsona: tlhoma mogopolo wag ago go seo Modimo a leng sona O mmolelle gore O mo rata go le kana ka eng (temana 9). Nagana ka gore O batla eng ka ga wena le lefatshe le le go dikanyeditseng la gago: mme he Mo laletse gore a nne le tsela ya Gagwe go wena (temana 10). Mo kope se o se tlhokang, le fa e le selo se se nnyane (temana 11). Kopa maitshwarelo fa go na le sebe se o se dirileng (t12). Mo fe botlhoko bag ago mme o tshwarele b aba go leofetseng (temana 12,14). Mo kopa tshireletso ya Gagwe mo dithaelong le go satane (temana 13). Re tshwanetse go rapela neng? 'Se khutleng go rapela' (1 Bathesalonika 5:17). O ka tswela go bua le Modimo o sa khutle. Phunyeletsa mo dinakong tseo o ka reng go bonagala ekeke ga a tlhwaya tsebe go go utlwelela. O utlweletse. Gape, gopola gore ga se dilo tse tsotlhe tse o di kopang, tse o di tlhokang kgotsa tse o ipaakanyeditseng go di amogela. Nna pelotelele. Kopa Moya o o Galalaelang a go thuse go rapela. Dula mo kamanong le Ena.

## Nka dira eng?

O rapela ga kana ka eng? O ka dira jang gore bophelo ba gago ba thapelo bo nne le kgalithegole e e tseneletseng le ya boamaruri? Ke eng o sa leke go buisetsa Dipesalome 42 kwa godimo go Modimo, go e dira Thapelo ya gago go Modimo?



# LETSATSI LA 13: MAUNGO A SEMOYA

Fa ba botsa Michaelangelo gore o dirile jang sefikantswe sa Dafita, go begwa a rile, 'ke ne ka lebelela ka fa gare ga mmabole, ka ntsha dilwana tseo e neng ese Dafita. Modimo ke mmetli wa rona o mogolo, O rata fa re ka tshwana bogolo le Jesu. O rata go tla tlosa dilo tsotlhe tseo di sa tshwaneng le Krete mo go rona. Fa re ne re pholoswa mo boleong, re amogetse tshiamo le botlhokamolato ba Jesu, ra se ke ra amogela botho jwa gagwe. Seo se tsaya nako, boikobamelo le thuso ya Moya o o Galalelang go agega.

## Beibele e re ruta eng?

*Mme ka re: Tsamayang ka fa Moweng, foo ga lo ne lo dirafatsa dikeletso tsa nama;*

*17 gonne nama e eletsa tse di tlabanang le mowa, le mowa o eletsa tse di tlabanang le nama; dilo tse, di emeelanane gore lo se ka lwa dira tse lo di ratang. 18 Mme fa lo gogwa ke mowa, ga lo fa tlase ga molao. 19 Ditiro tsa nama di a bonatsega, e bong tlhalo le boaka le se se maswe le boitaolo 20 le tirelo-medimo e sele le tiriso ya mereo le tlhoano le komano le lefufa le dikgakalo le dikganetsanyo le diphapaano le dikgaogano tsa maitirelo 21 le tsa bopelotshetlha le dipolao le tsa botagwa le mediro ya tlhapelo le tse di ntseng jalo, tse ke di lo bolelelang jaaka nkile ka bua pele ka re: Ba ba dirang dilo tse di ntseng jalo ga ba nke ba rua boswa jwa puso ya Modimo. 22 Mme leungo la Mowa lone ke lorato le boitumelo le kagiso le bopelotelele le bopelontle le molemo le boikanyego 23 le bonolo le boitshwaro le bophepa; dilo tse dinteng jalo, molao ga o ganetsanye natso. 24 Kana ba e leng ba ga Keresete Jesu ba bapote nama le dikgotelo le dikeletso. 25 Fa re phela ka Mowa, a re tsamaeng ka Mowa le gona. Bagalatia 5:16-25*

## Se se kaya eng go nna?

Jesu o ne a le ebile o sa ntse a le lorato, boitumelo, kagiso, bopelotelele, bopelonomi, tshiamo, botshepegi, bonolo, ebile o boikgalemelo ka bo ene. Ke kantlha eo A neng a siame go ba bangwe. Ikanya o le setlhare se se ungwang maungo. Jaaka o nna gaufi le Moya o o Boitshepo ebile o Mo obamela (temana 25), o tla unywa maungo a maitsholo a Jesu. Ga go tlhokege gore o iteke le gore o siame - dira fela se se botoka go dula gaufi le Moya o o Boitshepo. Ene o tla dira mo go wena go tlhotlholetsa kwa go godimo ditakatso tse dintsha tsa go itsheka le lorato, le ntshafatso ya letlhoo la maleo, a le ga a go tlisetsa monate nakonyana fela, mo bofelong a go tlisetsa kutlobotlhoko go wena le ba bangwe.

Go kaya eng go tsamaisana kgato le Moya (temana 25)? Go kaya gore botlhe re ikokobetse go utlwa lentse La gagwe le le buang le rona ka Beibele le matswalo a rona. Ga re raelwa, re tla utlwa tlhagiso ya Gagwe e e botlhofo mo pelong tsa rona. Re tshwanetse ke go Mo obamela! Fa re dira jalo, re tla utlwa kagiso le boitumelo tsa Gagwe. Fa re sa dire jalo, o tla hutsafala tota (Baefeso 4:30). Fa re dira bolelo, O tla re laletsa ka lerato go sokologa (gore re sokologe). A re seke ra tiisa dipelo tsa rona kgatlanong le Ena. Ga re ntse re tsamiansa kgato le Ena, ke gona ga re ikokeletsa go Mo itemogela, ebile ke ka moo re tla tshwanang le Jesu ka go fetisisa.

## Nka dira eng?

Ke dife ditiro tsa Moya o o Galalelang tse o di lemogang mo go wena? Ke dife dikungo tse robongwe tse o di tlhokang thata? Di rapelele.

## O batla go buisa go ya pele?

Bona Baroma 8:28-29, 2 Bakorinthe 3:17-18 le 1 Timotheo 4:12

# LETSATSI LA 14: BOIKANYO

Bakgweetsi ba difofane ba ba fofang ba bo ba phunyeletsa maru a mantshontsho, ka nako dingwe ba itemogela sengwe se se bidiwang "sedidi". Se se raya gore ba latlhegelwa ke maikutlo a gore ba fofela kwa godimo kgotsa kwa tlase. Bontsi, go latelwa ke go se ikanyege ga maikutlo a bona, ba thubagane le lefatshe. Fela bakgweetsi ba difofane ba ba siameng, ba ikanya didiriswa tse di ba lemosang ntlha tota e ba fofang ka yona. Ka tsela e e tshwanang, Bakereste ba bantsi ba letlhegelwa ke tumelo ka ntlha ya gore maikutlo jaaka pelaelo, go ipona molato, letshogo le matshwenyego, a ba fekeetsa. Ka nako ngwe, re tshwanelwa ke go itokolola go ikanya maikutlo a rona, bogolo re ikanye ditshepiso tse di sa fetogeng le botshepegi ba Modimo re ithute go fofela godimo ka tsela e e maleba.

## Beibele e re ruta eng?

*Ya re ka letsatsi leo, go le maitsiboa, a ba raya a re: "A re tsheleng kwa moseja."*

*36 Ba phatlalatsa batho, ba tsamaya nae fela a ntse a le mo mokorong. Mme mekoro e mengwe ya mo pata. 37 Jaanong ga tsoga matsubutsubu a magolo a phefo, makhubu a metsi a tlolela mo mokorong, mokoro wa ba wa batla go tlala, 38 ene a bo a le kwa morago mo mokorong, a robotse mo mosamong. Ba mo tsosa, ba mo raya ba re: "Moruti, a ga o re sepe, fa re nyelela?" 39 A tsoga, a kgalemela phefo, a raya letsha a re: "Kgaotsa o didimale!" Phefo ya khutla, ga ba ga nna tidimalo e kgolo. 40 A ba raya a re: "Ke eng, fa lo le boi jaana? Ke go reng, fa lo se na tumelo?" 41 Bone ba boifa ka poifo e kgolo, ba raana ba re: "Kana yo ke mang, fa phefo le letsha le tsona di mo utlwa?" Mareko 4:35-41*

## Se se kaya kaya eng go nna?

Jesu o re naya ntlhatebo (temana 35). Ka jalo, fa re Mo obamela, gantsi makhubu a tla, maemo a bo a fetoga dilo di senyega (temana 37). Ga se se direga, go le gantsi re utlwa e kete Jesu ga a dire sepe go re thusa, e bile ga a tshwenyega (temana 38). Mme, O a tshwenyega. Ka ga santse a na le taolo, ga a na letshogo. Ke kantlha eo a kgonang go robala. Go tlhoka ga rona tshepo go Ene, go re dira gore re tshoge (temana 40) ebile re belaela gore Ene o a tshwenyega (temana 38). Mme Ene a ka fedisa makhubu nako nngwe le nngwe. Ke eng a dumelela makhubu go tla tselng ya rona? O dira se go godisa tumelo ya rona mo go Ene. Tumelo e e sa lekiwang ga se tumelo ya boammanruri. Mo gare ga lekhubu lengwe le lengwe, gopola gore Mogau wa Modimo wa kgona e bile o tlile go go tshegetsatsa.

Re gola jang mo boikanyong? Re ikgopotsa gore Jesu o na le rona. O a tshwenyega. O dirile ditsholofetso tse a tlileng go di tswelletsapele. O na le matla a go fetola maemo mangwe le mangwe. Mme, go fitlhela a dira jalo, re tshwanelwa ke go Mo ikanya. Fa re sa dire jalo, maikutlo a rona a tla re fekeetsa a re thubaganya. Go botoka go itshwarelela ka ditsholofetso tse Modimo a re diretseng tsona mo Lefokong la Gagwe. Ditshepiso jaaka, 'Ga nkitla ke go tlogela ke go itatola' (BaHebero 13:5).

## Nka dira eng?

Ke ditsholofetso dife mo Beibeleng tse di nang le bokao bo bontsi mo go wena? Ka makhubu mafe a o itemogetseng ona? O dirile jang ka makhubu ao? O ka godisa jang ikanyego ya gago mo botshepeging ba Modimo?

## O batla go buisa go ya pele?

Buisa Baroma 4:18-21 and Bahebere 11:1-12 go fitlhelela kitso e e fetisisang ka tsa tumelo.

# LETSATSI LA 15: BOPELOTSHWEU

O ka se bone dinaledi fa o le gaufi le dipone tse di phatsimang. Ka tsela e, o katoga bonolo mo boineelong jwa gago go Modimo le tumelo ya gago mo go Ene fa o le lekgoba la madi le ditshiamelo tse a di tlisang. O simolola go lora ka go nna le madi a mantsi go feta – o na le tshepo ya gore a tla go tlisetsa dilo tse dintle mo botshelong, le tlhompheo go batho. Fa se e le phitlhelelo ya gago e tona mo botshelong, o mo kotsing ya mmatota. O tshwanelwa ke go ikgogela morago mo diponeng tse di phatsimang tsa madi (tšhelete) le dithoto, gore o bone phatsimo ya Modimo sesha.

## Beibele e re ruta eng?

*Le diphapaang tse di sa feleng tsa batho ba ba senyegileng tlhologanyo, ba ba amogilweng boammaaruri, ka ba itlhome poifo-Modimo e le papadi. 6 Papadi e kgolo ke poifo-Modimo e e nang le pelo e e thethebetseng. 7 Gonne ga re a ka ra tsisa sepe mo lefatsheng, mme go bonala gore ga re ka ke ra ntsha sepe mo go lone. 8 Mme fa re na le dijo le diaparo a go re lekane. 9 Ba ba ratang go huma ba wela mo thaelong le mo serung le mo dikeletsong tse dintsi tsa bosilo tse di senyang, tse di nwetsang batho mo tshenyegong le mo tatlhegong. 10 Gonne bopelotshetlha ke modi wa masula otlhe; e rile batho bangwe ba ineela mo go jona, ba fapoga tumelo, ba itirela matlhoko a mantsi. 11 Mme wena, motho wa Modimo, tshaba dilo tseo! O tsôtelele tshiamo le poifo-Modimo le tumelo le lorato le boitshoko le bopelonolo. 1 Timotheo 6:5-11*

## Se se kaya eng go nna?

Ke kantlha ya eng go rata madi (le tse a tla go tlisetsang tsona) go le kotsi? O ka seka wa a tsaya wena go ya legodimong (temana 7). Ke modi wa boleo botlhe (temana 10). Go rata madi go tlile go dira gore re tlole taelo ya Modimo ka tsela di le dintsi, ka gonne re tlile go dira sengwe le sengwe gore re a fitlhelele – e leng bua maaka, go tsietsa, go utswa le go dirisa ba bangwe go ikhumisa ka namana. A ka re dia gore re fetogele Modimo (temana 10). A re soletsa boitumelo mme tlisa kutlobotlhoko, matlotla le tshenyego mo nakong e telele (temana 9). Ga a na boikanyego e bile ke a nakwana, a latlhega bonolo fela (temana 17).

Re ka dirisa madi jang ka tsela e e kgatlang Modimo? Lemoga gore re ka kgotsofala ka bonnye (temana 8). Neela Tshepo ya gago go Modimo, e seng madi (temana 17). Itumelele tsotlhe tse Modimo a go neelang tsona, o di bone jaaka neo ya bopelotshweu (temana 17). Kopa Modimo gore a go neele tse o di tlhokang. Neela ka bopelotshweu (temana 18) go batho ba ba ba tlhokang le go kereke eo o leng leloko la yona, o gatelela kwadiso ya ponelopele ya kereke eo Modimo a re neileng yona. Lebelela ka tlhoafalo mahumo a bosakhutleng a a tlang ka kobamelo ya Kereste mo botshelong jono (temana 19).

O ka seke wa tsaya madi a gago wa ya le ona kwa legodimong, mme fa a beeletswa mo tsweletsong ya mmuso wa Modimo, o ka romela kwa pele gago. O seke wa taboga ka fa morago ga lehumo. O mpe, o taboge ka fa morago ga Modimo, ebile o dirise madi ao A go ikantshang ona ka tsela eo e Mo itumedisang.

## Nka dira eng?

A o baya boikanyo jwa gago mo khumong kgotsa go Modimo? O ka dirisa botoka madi le dilo jang ka tsela e e tlisang thorisgo go Modimo?

## O batla go buisa go ya pele?

Bona Maleagi 3:6-12, Matheo 6:19-34 le 2 Bakorinthe 9:6-12 go fitlhelela kitso e e fetisisang.

# LETSATSI LA 16: TIRO

Ted e ne ele motshameki wa kgwele ya dinao yo o nang le talente (bokgoni) mme a tshameka bosutlha tota. Rragwe o ne a seke a mo lebelela. Mme rragwe a tlhokafala. Ka go makatsa, a simolola go tshameka sentle tota. O ne a seka a thoba go ikatisa. Mme fa mokatise wa gagwe a mmotsa gore ke eng se se fetogileng, ene a mo raya a re "Jaanong ka gonne rre a tlhokafetse, a ka tswa a ntebeletse ke tshamemeka, ga ke batle go nyemisa mooko." A re buiseng ka moo Modimo wa rona wa kwa legodimong, a re lebileng, le ka moo a tshwanetseng go tlhotlholetsa go dira ka natla mo go rona.

## Beibele e re ruta eng?

*"Mme le fa e le eng se lo se dirang ka puo gongwe ka tiro, dirang tsotlhe mo leineng la Morena Jesu, lo ntse lo leboga Modimo Rara ka ene."*

Bakolose 3:17

*22 Lona batlhanka, utlwang beng ba lona ka fa nameng mo dilong tsotlhe, e seng ka go ba direla matlhong jaaka ba ba kgatlheng batho, mme a e nne ka bopelophepa ka go boifa Morena. 23 Le fa e le eng se lo se dirang, se direng ka pelo yotlhe, jaaka e le go direla Morena, e seng batho, 24 ka lo itse gore lo tla amogela boswa mo Moreneng e le tuelo. Kana lo direla Morena Keresete. 25 Gonne yo o dirang tshiamololo o tla busesiwa tshiamololo e a e dirileng, mme go gobebelela motho ga go teng mo Modimong.*

Bakolose 3:22-25

*1 Lona beng ba batho, nayang batlhanka ba lona se se siameng, se se ba tshwanetseng, ka lo itse gore le lona lo na le Morena mo legodimong.* Bakolose 4:1

## Se se kaya eng go nna?

Ka metlha eo, go fitlha go seripa sa lefatshe leo le neng e itsiwe, e ne e le makgoba. Ka jalo, bontsi ba Bakeresete ba ne ba tlhoka tota. Ba ne ba tshela ka go fiwa ke beng ba bona. Ba ne ba sena thotloetso ya go dira. Go tlhokagala ka ponelopele ya tiro ga bona, ba ne ba ikutlwa ba dirisiwa ke 'beng' ba bona. Le gompieno, ka nako tse dingwe ditiro tsa rona di utlwala jaaka bokgoba. Mme jaaka Bakereste, re ka ithuta go itumedisa Modimo mo ditirong tsa rona. Re ka dira ditiro tsa rona jang ka tsela e e kgatlheng Modimo. Dira tsotlhe ka thuso ya Modimo le go gallaletsa Modimo (temana 23). Modimo o batla go go thusa le go godisa kitso le bokgoni jwa gago. Dira seo go Modimo, e seng batho (temana 23). O seka wa lebelela bogolo go ka itumedisa batho (jaaka bagolo ba tiro, batlhatlheledi kgotsa barutabana). Itumedise Modimo pele. Se se tla go tlhotlheletsa gore o dire ka thata le fa go sena ope yo o go bonang, ntle le Modimo (temana 22). Neela pelo ya gago yotlhe mo go sengwe le sengwe se o se dirang (temana 23). Tsela ya go tswela pele ke go dira ka thata. Le fa gole jalo, go dira go feta selekano ga go itumedise Modimo (bona Pesalema 127:1-2).

Dira go tswelletsa ponelopele (temana 24). Kopa Modimo gore a go thuse gore o nne le ponelopele ya botshelo jwa gago le gore o dire ka botlhale go e fitlhelela. Ponelopele e tona e tlhoka go intsha setlhabelo se se tona, se se tla tlisang moputso o mo tona. O seke wa dirisa maatla botlhaswa go gatelela ba bangwe (4:1). Modimo o batla ditshôno tse di lekaneng go botlhe. Ke ka moo Bakeresete ba bileng ba etelela pele phediso ya bokgoba mo nakong e telele e e fetileng.

## Nka dira eng?

A o ka re wena o dira ka thata? O ka rotloetsega jang go ka dira ka thata? Mo letlhakoreng le lengwe, o ka netefatsa jang gore o seke wa dira go feta selekano? Ke dife ditiro dingwe tsa gago tseo o dumelang gore Modimo o go neile tsona gore o di sale morago?

## O batla go buisa go ya pele?

Bona Diane 5:6-11

# LETSATSI LA 17: DIRA PHAROLOGANYO

Ke ka ntlha ya eng o le mo lefatsheng leno? Karabo: Go bontsha botho ba Krete le go dira thato ya Modimo. Fa Krete e le tshepo ya lefatshe, ka jalo batho ba Modimo ke baromiwa le sekao sa tshepo eo. Go latela Jeso go kaya gore re mo leetong le Modimo go tlisa phetogo mo lefatsheng la rona, go simolola ka batho bao ba re dikaganyeditseng.

## Beibele e re ruta eng?

*“Lo sego, fa batho ba lo kgoba, ba lo bogisa, ba bua bosula jatlhe ka ga lona ka maaka, ka ntlha ya me. 12 Itumeleng lo ipele; gone tuelo ya lona e kgolo kwa magodimong. Gone ba bogisitse baporofeti jalo, ba ba neng ba le teng pele ga lona. Letswai la lefatshe le lesedi la lefatshe. 13 “Lona lo letswai la lefatshe. Fa letswai le tswapogile, le tla lokwa ka eng? Ga le tlhole le na le tiro epe, fa e se go latlhelwa kwa ntle le go gatakwa ke batho. 14 “Lona lo lesedi la lefatshe. Motse o o mo godimo ga thaba ga o ka ke wa fitlhega. 15 Le gona ga go ke go tshujwa lobone, lwa bewa ka fa tlase ga kgamelo. Lo bewa mo setlhomong; foo lo tla bonegela botlhe ba ba mo ntlong. 16 A lesedi la lona le bonegele batho jalo gore ba bone ditiro tsa lona tse di siameng, ba tle ba galaletse Rraalona yo o kwa magodimong.*

Matheo 5:11-16

## Se se kaya eng go nna?

Re ka ba letswai jang (temana 13)? Letswai le dira fela fa le tswa ka fa gare ga setshwaro sa lona le bo le kopana le dijo. Modimo o na le lefelo la boanamiso ya efangedi – ke batho ba lelapa la gago, baagisane, lefelo la boithutelo kgotsa la bodirelo. Fa o leka go emela Krete efela o latlhegetswe ke lerato go Ena le ditsela tsa Gagwe, o ka seka wa dira boleng.

Botshelo jwa gago ba go tlhoka Modimo le boikutlo jwa mogopolo wa a gago di tlile go buela kwa godimo go sena ope a tlileng go utlwa mafoko a gago. Mme, botshelo jo bo nang le letswai la lerato go Modimo le ditiro tsa Gagwe le tlile go dira gore ba bangwe ba nyorelwe Modimo.

Re ka ba lesedi jang? Lesedi le tshwanetse go nna teng go botlhe, le seke la fitlhiwa. Go latela Jeso ke selo se se tswang go mong ka boena, efela ga se selo sa sephiri. A lesedi la gago le phatsime fa pele ga batho (phatsimele batho (temana 16). Batho ba tla tsiboga jang? Bangwe ba tla go tlhoya (temana 11-12). Efela ba tota ba tlhoya lesedi la Modimo le le ka fa gare ga gago le le senolang lefifi la bona. Ka jalo, o seke wa e tsaya ka bowena.

Lebelela kwa pele meputso e e tswang go Modimo ya go kgotlelela dipogiso (temana 12). Ba bangwe, le fa go ntse jalo, ba tla bona ditiro tsa gago tse di siameng tse di ba gogelang go Modimo yo a go neelang matla (temana 16).

## Nka dira eng?

O ikutlwa jang ka go nna letswai le lesedi? O ka simolola go bona jang batho ba ba mo tikologong ya gago jaaka lepatlelo la leeto la gago? Ke bomang batho bao o lelang go ba fitlhelela go Modimo? Ke mang o ka mo laletsang go tla le wena kerekeng?

## O batla go buisa go ya pele?

Bona Mareko 5:19-20.

## KGATO YA ME E E LATELANG KE E FE?

**A go na le mongwe yo a go laleditseng mo kerekeng? Dikgang tse di molemo tsa Jesu di dintle thata go se di abelane le ba bangwe. Ke mang mo lefelong la gago yo o ka mo laletsang go tla Mmogo le wena kerekeng sontaga se se tlang? Taletso ya gago e kaba tshono e ba kwa tswa ba e emetseng.**

# LETSATSI LA 18: ABELANA KA KGANG YA GAGO

Lebelela tikologo ya gago. Batho ba e seng bakereste ba go dikologile. O ka ba fitlhelela jang? Tsela nngwe ke ya gore o nne motho wa mmatota. TV ya botota ke nngwe ya ditsela tse di lebelelang matshelo a batho ba bangwe ka tota. Losika la rona ga le batle dineelwane tse di tseeleditsweng kgotsa tse di itiretsweng. Ba batla dilo tsa nnete. Ke ka moo nngwe ya ditsela tse di maatla tsa go rotloetsa batho go Modimo ke fela go ba bolelela ka moo wena o itsitseng Modimo ka teng le gore O dirile eng mo botshelong bangago ga e sale o mmone. Ditsala tsa gago tse di senang tumelo tota di ka utlwelela fa o dira jalo.

## Beibele e re ruta eng?

*“Ba ga etsho le borra, utlwang boikarabelo jwa me mo go lona.” 2 Ya re ba utlwa gore o bua nabo ka Sehebere, ba didimala bogolo; mme a tswela pele a re: 3 “Nna ke monna wa Mojuta, ke tsaletswe kwa Tareso wa Kilekia, mme ka godisediwa mo motseng ono, ka rutwa molao wa borraetsho fa dinaong tsa ga Gamaliele ka tlhokomelo e kgolo, ke le yo o tlhoafalelang Modimo jaaka lona lotlhe lo dira gompiano. 4 Ka bogisa Tsela e ya bokeresete go isa losong, ka golega banna le basadi, ka ba tsenya mo matlong a kgolegelo, 5 jaaka le ene moperesiti yo mogolo le lesomo lotlhe la bagolo ba ka supa ka ga me. Ke bile ka tsaya dikwalo mo go bone tse di yang kwa go ba ga etsho ba Damaseko, ka etela teng gore le ba ba teng ke ba golege, ke ba tsise kwano Jerusalema, ba tle ba fiwe petso. 6 “Jaanong ya re ke ntse ke tsamaya, ke atametse Damaseko, go le motshegare, lesedi le legolo le le tswang legodimong le phatsima tikologong ya me ka tshoganyetso, 7 ka wela fa fatshe, ka utlwa lentswe le nthaya le re: ‘Saule, Saule, o mpogisetsang?’ 8 Ka araba ka re: ‘Morena, o mang?’ A nthaya a re: ‘Ke nna Jesu wa Nasaretha yo ò mmogisang.’ 9 Mme ba ba neng ba na le nna ba bona lesedi, ba boifa, fela ba se ka ba utlwa lentswe la yo o buang le nna. 10 Ka ba ka re: ‘Morena, ke direng?’ Morena a nthaya a re: ‘Nanoga o tsene mo Damaseko, teng o tla bolelelwa tsotlhe tse o laotsweng go di dira.’ 11 Mme ka ke ne ke sa bone ka ntlha ya kgalalelo ya lesedi leo, ka gogwa ka letsogo ke ba ba neng ba na le nna, ka fitlha kwa Damaseko. 12 “Mme Anania mongwe, monna yo o boifang Modimo ka fa molaong, yo o neng a na le tumo e e molemo mo Bajuteng botlhe ba ba agileng teng, 13 a tla kwa go nna, a ema teng, a nthaya a re: ‘Saule, mokaulengwe, boa o bone!’ Ka fofologa e sa le ka nako eo, ka mmona. 14 A ba a re: ‘Modimo wa borraetsho o go itlhaoletse pele gore o itse thato ya ona, le go bona Mosiami le go utlwa lentswe le le tswang mo molomong wa gagwe; 15 gonne o tla nna mosupi wa gagwe mo bathong botlhe, o supa tse o di bonyeng le tse o di utlwileng. 16 Jaanong o diegelang? Nanoga o kolobediwe, o be o tlhapiwiwe dibe tsa gago o ntse o bitsa leina la gagwe!’ Ditiro 22:1-16*

## Se se kaya eng go nna?

Paulo o bolelela ba bangwe ba batlhoka-tumelo kgang ya gagwe ya Modimo. Mo go ithuteng mo go ena, re tshwanetse go re eng? Mo tshimologong, bolelela batho gore botshelo jwa gago bo ne bo le jang pele fa o nna MoKereste (temana 1-5). Go tswa foo, o tlhalose ditiragalo tse di go dirileng gore o nne molatedi wa Jesu (temana 6-11). Kwa bofelong, ba bolelele gore botshelo jwa gago bo fetogile jang go tloga foo (temana 12-16).

O seke wa ikutlwa eketse kitso ya gago le Modimo ga ena diphetogo tse di kgolo. Batho ba bangwe, jaaka Paulo, ba kopane le Modimo ka maatla, mme ba bangwe ba kopana le Ene ka ditiragatso tse di kwa tlase.

Bua fela kgang ya gago mme ikanye gore ba bangwe ba tla ikopanya leyona. Dira tsotlhe bonolo. Dira gore tebelelo e seke ya nna ka botshelo jwa gago, e nne ka mogau wa Modimo. Le fa go le jalo, fa o bua ka tiro ya Modimo mo go wena, mme botshelo jwa gago bo ise bo fetoge, o seke wa makala fa batho ba sa tsee se o se buang tsia.

# LETSATSI LA 19: GO DIRELA

Akanya fela o le kwa pele ga mola o molele o letetse tšhono ya gago ya go bona thuso, ka tshoganyetso mola o be o fetoga, fa ba ba kwa morago ba bo ba tla pele. Se ke sone se Jesu a se dirang mo mmusong wa gagwe. O dira ba kwa bofelong ba ntlha, bantlha ba tla kwa bofelong. Mo lefatsheng leno, motho o motona go botlhe ke yo o direlwang ke ba bangwe, mme mo mmusong wa Modimo motho yo motona go botlhe ke yo o direlang ba bangwe go feta (Mareko 10:42-45). Modimo a ka se bonagale (bonale) mo go rona mo lefatsheng le ka mo go tshwanetseng go fitlhela re ithuta go nna le pelo ya modiredi go batho ba ba re potologileng (farafereng).

## Beibele e re ruta eng?

*E rile Jesu a itse pele ga moletlo wa Tloaganyo gore nako ya gagwe e tsile ya go tloga mo lefatsheng leno le go ya kwa go Rara, a rata ba gagwe ba ba mo lefatsheng ka botlalo, ba a ne a ntse a ba rata. 2 Ya re go nna selalelo, Diabolo a bo a setse a tsentse mo pelong ya ga Jutase Isekariote, morwa Simone, gore a mo tshwarise; 3 Jesu ene o ne a itse gore Rara o mo neetse dilo tsoitlhe diatleng le gore o dule Modimong, e bile o ya kwa Modimong: 4 Ke fa a nanoga mo selalelong, a apola kobo, a tsaya sephimolo, a ikgatlha ka sona. 5 Morago ga moo a tshela metsi mo mogopong, a simolola go tlhapisana barutwa dinao le go di phimola ka lesela le a ikgatlhileng ka lone. 6 Jaanong ya re a tla kwa go Simone Petoro, ene a mo raya a re: "Morena, a ke wena o ka ntlhapisang dinao?" 7 Jesu a mo araba a re: "Se ke se dirang wena ga o se thaloganye jaanong, mme o tla se lemoga morago." 8 Petoro a mo raya a re: "Ga o ka ke wa ntlhapisana dinao ka gope." Jesu a mo fetola a re: "Fa ke sa go tlhapisane, ga o na kabelo le nna." 9 Simone Petoro a mo raya a re: "Morena, a e se nne dinao tsa me fela, mme e nne le tsona diatla le tlhogo!" 10 Jesu a mo raya a re: "Yo o tlhapisitsweng mmele otlhe, ga go batlege gore a tlhapisane fa e se dinao fela, gonne o itshekile gotlhe; lona lo itshekile, fela e seng lotlhe." 11 Ke go re, o ne a itse yo o tla mo tshwarisang; ke ka moo a rileng: "Ga lo a itsheka lotlhe." 12 Jaanong e rile a sena go ba tlhapisana dinao le go apara kobo le go rapama fa dijong gape, a ba raya a re: "A lo lemogile se ke se lo diretseng?"*

*13 Lo mpitsa Moruti le Morena, mme lo bua sentle; gonne ke se ke leng sona. 14 Jaanong he, fa nna yo ke leng Morena le Moruti ke lo tlhapisitse dinao, le lona lo tshwanetse lwa ne lo tlhapisanya dinao. 15 Kana ke ne ke lo beela sekao gore le lona lo dire jaaka ke lo diretse.*

*16 Ammaaruri, ammaaruri ke lo raya ke re: Motlanka ga a mogolo go morena wa gagwe, le ene morongwi ga a mogolo go yo o mo romileng. 17 Fa lo itse dilo tse, lo sego fa lo di dira. Johane 13:1-17*

## Se se kaya eng go nna?

Ke kantlha ya eng re tshwanetse go direla ba bangwe? Ke lerato le bonagalang ka ditiro (temana 1). Mo mmusong wa Modimo, re teng go tswela ba bangwe mosola (temana 10). Jesu o diragaditse seno le go re bolelela gore re dire jalo (temana 15). Fa re direla ba bangwe, Modimo o tla re tshegofatsa (temana 17). Jesu o rile go tshegofetse tota go neela go na le go amogela (Ditirafalo 20:35).

Goreng re tshwanetse go direla batho? Re tshwanetse go direla batho go nne re a ba rata (temana 1). Re tshwanetse go gopola gore re bo mang go Modimo le gore Modimo ke mang mo gare ga rona (temana 3).

Kitso e, e a re kgontsha ebile e dira gore re ikutlwe re bolokesegile, se e bile se re fa matla a go ikokobetsa fa pele ga ba bangwe. Re tshwanetse go bona mekgwa e e kgonagalang ya go direla ba bangwe (temana 5). Go direla ba bangwe ga se yona tsela ya go bona bogolo. Ke bogolo.

## Nka dira eng?

O ikutlwa jang ka go direla ba bangwe? Ke eng se se go gogelang morago? Ke mokgwa ofe o o ka o dirisang go direla ba bangwe mo kopanong ya lona, le ditlhokego tsa kereke e kgolo?

# LETSATSI LA 20: KGATO YA SETŠHABA

E nngwe ya diphoso tse di utlwisang botlhoko mo kerekeng mo lekgolong ladingwa le le fetileng ke thuto ya gore Kgolagano e Ntsha e ipapisitse le go isa batho kwa legodimong. Seo ga se boammaruri. Akanya fela ka kitsiso ya Jesu: "Mmuso wa Modimo o fa". Akaya gape ka Thapelo e re tshwanetseng go e rapela: 'A mmuso wa Gago o tle'. Go mo molaleng go tshwana le letsatsi gore Jesu ga a tlela fela go isa batho legodimong, mme o tlisitse legodimo go batho. Sa pele, re simolola go itumelela bojotle jwa Modimo jo bo leng tirono mo matshelolong a rona a a robegileng. Ka jalo, re nna meedi ya bojotle joo mo bathong ba bangwe, bogolo batho ba ba utlwileng botlhoko mo setshabeng.

## Beibele e re ruta eng?

*Ke fa moitse-molao mongwe a ema, a mo lalela a re: "Moruti, ke tla dirang gore ke rue bophelo jo bo sa khutleng?" 26 Jesu a mo raya a re: "Go kwadilwe eng mo molaong? O buisa jang?" 27 Ene a araba a re: "Rata Morena, Modimo wa gago, ka pelo yotle le ka mowa otle le ka thata yotle le ka tlhologanyo yotle ya gago; le mongwe-ka-wena o mo rate jaaka o ithata." 28 Jesu a mo raya a re: "O arabile sentle; dira jalo, mme o tla phela." 29 Mme ene, ka a rata go itshiamisa, a raya Jesu a re: "Mme mongwe-ka-nna ke mang?" 30 Jesu a araba a re: "Motho mongwe o kile a tswa Jerusalema, a ya kwa Jerigo; mme a wela mo dinokwaneng. Ya re di sena go mo apola le go mo ntsha dintho, tsa tsamaya, tsa mo tlogela le gaufi le go swa. 31 Ga dirafala, moperesiti mongwe a fologa ka tsela eo, mme ya re a mmona, a mo feta fela. 32 Fela jalo le Molefi, ya re a fitlha felong foo, mme a mmona, a mo feta fela. 33 Mme Mosamaria mongwe a eta, a fitlha fa a leng teng. Ya re a mmona, a tlhomoga pelo, 34 a ya fa go ene, a fapa dintho tsa gagwe, a di tshela lookwane le weine, a ba a mo palamisa pelesa ya gagwe, a mo isa kwa ntleng ya baeti, a mo tlamela. 35 Ya re kamoso a ntsha diselefera tse pedi, a di naya mong wa ntlo a re: 'Mo tlamele, mme se o tla se ntshang bogolo go moo, ke tla se go busetsa, fa ke boa.' 36 "O gopolang, ke mang wa ba bararo ba, yo e neng e le mongwe-ka-ene yo o wetseng mo dinokwaneng?" 37 Yoo a re: "Ke yo o mo diretseng ka kutlwelo-botlhoko." Jesu a mo raya a re: "Tsamaya o dire jalo le wena." Luka 10:25-37*

## Se se aya eng go nna?

Go sala Jesu morago go kaya gore re ithuta go rata batho ba re tshelang le bona (temana 27), bogolo batho ba ba utlwileng botlhoko (temana 37). Mo kgang eno, batho ba tumelo (baperesita le balefi) ba ne ba tshwaregile thata kgotsa ba sa kgathalele go thusa, fa motho wa maemo a a kwa tlase mo setshabeng (MoSamaria) a dira se a kgonang go se dira ka lerato. Modimo o batla gore re tlhagelele le go tlhokomele go tlamela ditlhoko, re dire se re se kgonangle go rotloetsa ba bangwe gore ba tsenye letsogo le bona (temana 35). Go nna Mokeresete ga se fela go rata Modimo. Ke go rata batho. Mofuta wa tumelo 'e Modimo Rrarona a e amogelang jaaka e e itshekileng e sena bosodi ke e: go tlhokomela dikhutsana le batlholagadi ka nako tse di thata" (Jakobo1:27). O seke wa lebala temoso ya Mme Theresa: 'Batlhoki ga ba re tlhoke jaaka rona re ba tlhoka.' Seo ke ka ntlha ya go direla batho ba dipelo tse di robegileng, go re gogela gaufi le Modimo yo o ba ratang.

## Nka dira eng?

O ikutlwa jang ka go nna le kutlwelobotlhoko go batho bao ba utlwileng botlhoko? Ke eng se se go gogelang morago? O ka simolola jang ka botlhale go thusa ba bangwe. A go na le tirelo ya bopelonomi (compassion ministry) mo kerekeng ya gago mo o ka simololang go thusa mo teng?

## O batla go buisa go ya pele?

Bona Matheo 25:31-40



# LETSATSI LA 21: GO DIRA KAGISO

Monna mongwe ka letsatsi le lengwe o ne a aga legora fa gare ga gagwe le moagisane yo a neng a sa mo rate. Modimo a bo a mo raya a re a dire kagiso. Ka dikeledi mo matlhong a gagwe, a thubakaka legora leo, a dirisa dikota tsona tseo go dira tselana go tswa mo kgorong ya ntlo ya gagwe go ya mo kgorong ya ntlo ya moagisane wa gagwe. Lefatshe la rona le utlwile botlhoko ka ntlha ya dikgoro tsa letlhoo, kगतello, maemo a bogolo. Gotlhe mo re leng teng, Modimo o a re bitsa gore re fetole magora re a dire ditselana.

## Beibele e re ruta eng?

*Mme jaanong le lona, latlhang tsotlhe tseo, e bong bogale le kgakalo le bosula le kgalo; mme dipuo tsa ditlhong di se tlhole di tswa mo melomong ya lona. 9 Se aketsanyeng, ka lo apotse motho yo mogologolo le ditiro tsa gagwe, 10 mme lo apere motho yo mošwa yo o ntšhwafalediwang kitso ka fa setshwanong sa ona o o mo tlhodileng, 11 mo go sa ka keng ga dira Mogerika le Mojuta, bogwera le bokgola, botho seeng le Bosethia jo e leng botho sephologolo, lekgoba le mogololesegi; mme Keresete ke ene bojotlhe, o bile o mo go botlhe fela. 12 Jaanong he, lona ba lo leng batlhaolwi ba Modimo, le baitshepi le barategi, aparang kutlwelobotlhoko ya pelo le bopelontle le boikokobetso le bonolo le bopelotelele; 13 lo itshokelane, lo itshwarelane fa mongwe a ledisiwa ke molato wa yo mongwe; itshwareleng jaaka Morena le ene a lo itshwaretse. 14 Mo godimo ga tsotlhe tseo lo apare lorato lo e leng sebofo sa botlalo. 15 A kagiso ya ga Keresete e laole mo dipelong tsa lona e lo e bileditsweng mo mmeleng o le mongwe fela, mme lo nne ba ba lebogang. Bakolose 3:8-15*

## Go kaya eng go nna?

Goreng re tshwanetse go fenywa dikgaogano le letlhoo mo gare ga batho? Fa re sala Jesu morago, ga re sa tlhole re itsiwe ka maemo, setso, mmala kgotsa bong, fela ka sesupo sa rona se sesha go Modimo (temana 10) eleng ba ba ratilweng e bile ba tlhophilweng ke Modimo. Go raya gore, MoKreste wa ko Nigeria o tshwana bogolo le MoKreste wa ko USA kgotsa China kgatlhanong le papiso ya tsala ya bona e e seng MoKreste wa ko Nigeria!

Re kopantshwa ke kgolagano e e tshwanang ya Modimo. Ke ka moo mmala, setso, maemo, bong, dithuto le lehumo la rona di sa lekanang go ka re kgaogantsha. Kreste ke tsotlhe e bile o mo gare ga tsotlhe (temana 11). Re batla kagiso jang? Re lokololwe mo kgalefong le letlhoong (temana 8). Re nne pelonomi, molemo, ba ikokobeditseng, bonolo, pelotelele, ba tshwarelang le ba ratang (temana 12-13). Nna modirakagiso (Matheo 5:9). Moya o Boitshepo o tla go etela pele wa go matlafatsa.

## Nka dira eng?

O itemogetse jaang letlhoo kgotsa tllaolele mo lelapeng la gago, mo setšhabeng sa gago kgotsa mo lefelong la tiro ya gago? Ke diphetogo dife tse di tshwanetseng go direga mo pelong ya gago. O tshwanelwa ke go tshwarela mongwe kgotsa wena o kope tshwarelo? Ke dikgato dife tse di kgonegang tse o tshwanelwang ke go di tsaya gore o nne modirakagiso?

## O batla go buisa go ya pele?

Bona Baefeso 2:14-22 go bona tshedimoso e e oketsegileng.

# **AGA KEREKE GO AGA SETŠHABA**

**A O NA LE DIPOTSO? BONA TSHEDIMOSO GO: [INFO@HILLSONG.CO.ZA](mailto:INFO@HILLSONG.CO.ZA)**

**TSHEDIMOSETSO KA MOGALALETHEKENG/SELULA:  
HILLSONG CHURCH SOUTH AFRICA (iTunes + Spotify)**

**FITLHELELA KA GO FETISISA GO:  
[HILLSONG.COM/SOUTH AFRICA](http://HILLSONG.COM/SOUTH AFRICA)**

